



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

KRYETARI I KOMUNËS SË LIPJANIT

PROPOZIM

RREGULLORE
PËR NDRYSHIMIN DHE PLOTËSIMIN E RREGULLORES PËR NDARJEN E BURSIVE PËR
STUDENTË TË KOMUNËS SË LIPJANIT

Lipjan, 2023

Në bazë të dispozitave të nenit 58 të Ligjit Nr.03/L-040 për Vetëqeverisjen Lokale, Gazeta Zyrtare e Republikës së Kosovës, nr.28 e datës 4 Qershor 2008 dhe nenit 40 të Statutit të Komunës së Lipjanit 15Nr.110-78095 të datës 24.12.2021, Kryetari i Komunës, propozon:

Që në pajtim me nenin 12, paragrafi 2, pika c të Ligjit Nr. 03/L-040 për Vetëqeverisjen lokale, dhe nenit 20 par. 20.1 të Statutit të Komunës së Lipjanit 15Nr.110-78095 të datës 24.12.2021, Kuvendi i Komunës në mbledhjen e mbajtur me datë _____ 2023 të miratoi këtë:

PROPOZIM

RREGULLORE
PËR NDRYSHIMIN E RREGULLORES PËR NDARJEN E BURSIVE PËR STUDENTË TË
KOMUNËS SË LIPJANIT

Neni 1
Qëllimi

1. Me këtë Rregullore ndryshohet Rregullorja për ndarjen e bursave për studentë të Komunës së Lipjanit 15Nr.670/01-21260 të datës 26.04.2022.
2. Qëllimi i miratimit të kësaj Rregulloreje është ndryshimi dhe plotësimi i dispozitave të nenit 1, 3, 4, 5 dhe 11 të Rregullores për ndarjen e bursave për studentë të Komunës së Lipjanit 15Nr.670/01-21260 të datës 26.04.2022..

Neni 2
Plotësimi dhe ndryshimi i dispozitave të Rregullores

Te neni 1 - Qëllimi , ndryshohet dhe plotësohet përmbajtja e nenit 1 dhe riformulohet si vijon:

Neni 1 - Qëllimi

Me këtë Rregullore përcaktohen kushtet, kriteret, kohëzgjatja e realizimit të bursës, dhe procedura për ndarjen e bursave për studentë, të cilët studiojnë në Institucionet e edukimit të lartë arsimor të Republikës së Kosovës.

Te neni 3 -Përkufizimet , ndryshohet dhe plotësohet përmbajtja e nenit 3 dhe riformulohet si vijon:

Neni 3 -Përkufizimet

1. Përkufizimet e kësaj Rregulloreje janë:

- 1.1. Bursë - Nënkupton ndihmën e dhënë në mjete financiare pa kthim nga Komuna e Lipjanit për studentët e nivelit bachelor nga Komuna Lipjanit që studiojnë në Institucionet e edukimit të lartë arsimor të Republikës së Kosovës.
- 1.2. DKA - Nënkupton Drejtorin e Arsimit të Komunës së Lipjanit.
- 1.3. Thirrja publike - Do të thotë konkursi publik për ndarjen e bursave për studentë që shpallet nga DKA-ja konformë dispozitave të kësaj Rregullore dhe dispozitave tjera përkatëse.
- 1.4. Komision vlerësues - Nënkupton komisionin e formuar me vendim të Kryetarit të Komunës i cili merret me shqyrtimin dhe vlerësimin e aplikacioneve të bursave.
- 1.5. Komision i ankesave - Nënkupton komisionin e formuar me vendim të Kryetarit të Komunës i cili merret me shqyrtimin e ankesave që parashtrohen nga studentët ndaj shpalljes së listes preliminare të përfituesve të bursave.
- 1.6. Komisioni për caktimin e numrit të bursave në fusha studimi - është komision që formohet nga DKA-ja.

Te neni 4 - Përfituesit e bursës , ndryshohet dhe plotësohet përmbajtja e nenit 4 dhe riformulohet si vijon:

Neni 4- Përfituesit e bursës

1. Të gjithë studentët që janë banorë të Komunës së Lipjanit, pa dallime etnike, gjinore, racore, fetare, sociale dhe politike, që janë të regjistruar në Institucionet e edukimit të lartë arsimor të Republikës së Kosovës, duke përjashtuar studentët në studime pasuniversitare - master dhe doktoraturë, kanë të drejtë të aplikojn për marrjen e bursës për studime.
2. Studentët që kanë të drejtë të aplikojnë për përfitim të bursës duhet të jenë të regjistruar nga viti i dytë e tutje.

Te neni 5 – Përfituesit e bursës me automatizëm ndryshohet dhe plotësohet përmbajtja e nenit 5 dhe riformulohet si vijon:

Neni 5 – Përfituesit e bursës me automatizëm

1. Fëmijët e Dëshmorëve që studiojnë në Institucionet e edukimit të lartë arsimor të Republikës së Kosovës, bursën e përfitojnë me automatizëm çdo herë kur Komuna shpallë thirrje publike për ndarjen e bursave për studentë pavarësisht se a është e përcaktuar fusha studimit apo jo në thirrjen publike.
2. Për të fituar të drejtën sipas paragrafit 1 të këtij neni, studentët duhet të aplikojnë me dokumentacionin e kërkuar sipas thirrjes publike të shpallur nga Komuna.

Te neni 11 – Kriteret për përfitimin e bursës ndryshohet dhe plotësohet përmbajtja e nenit 11 dhe riformulohet si vijon:

Neni 11 – Kriteret për përfitimin e bursës

1. Të gjithë studentët, pa dallime, që studiojnë në Institucionet e edukimit të lartë arsimor të Republikës së Kosovës e që kanë aplikuar për përfitimin e bursës do të vlerësohen për sukseset e arritura në mësimet e studimeve të vitit paraprak me pikë si në vijim:

- 1.1. Studenti/ja me notë mesatare 9 deri në 10, vlerësohet me 30 pikë,
- 1.2. Studenti/ja me notë mesatare 8 deri në 8.99, vlerësohet me 20 pikë,
- 1.3. Studenti/ja me notë mesatare 7 deri në 7.99, vlerësohet me 10 pikë,
- 1.4. Studenti/ja me notë mesatare 6 deri në 6.99, vlerësohet me 5 pikë,
- 1.5. Studenti/ja me studime në drejtimet deficitare vlerësohet me 15 pikë,
- 1.6. Studenti/ja me nevoja të veçanta vlerësohet me 5 pikë,
- 1.7. Studenti/ja fëmijë i martirëve, veteranëve, invalidëve të luftës vlerësohet me 5 pikë,
- 1.8. Studenti/ja që i përketë komunitetit jo shumicë vlerësohet me 5 pikë,
- 1.9. Studenti/ja me asistencë sociale vlerësohet me 5 pikë.

2. Studentët që kanë pikë të barabarta, përparësi në renditjen e listës të shpallur nga komisioni vlerësues për ndarjen e bursave, do t'i ipet studentëve që kanë notën mesatare më të lartë.

Neni 3

Hyrja në fuqi

1. Kjo Rregullore hyn në fuqi 7 ditë pune pas publikimit në faqen zyrtare të Komunës.

Arsyetim

Baza ligjore për hartimin e kësaj Propozim -Rregulloreje është e përcaktuar me dispozitat e Ligjit për Vetëqeverisje Lokale.

Me këtë Propozim Rregullore është përcaktuar ndryshimi dhe plotësimi i dispozitave të nenit 1, 3, 4, 5 dhe 11 të Rregullores për ndarjen e bursave për studentë të Komunës së Lipjanit 15Nr.670/01-21260 të datës 26.04.2022.

Te neni 1 Qëllimi - është riformuluar komplet neni 1 sqarim nga ky nene është fshirë dhe larguar nga neni përfshirja e përfitimit të bursës për studentët që studiojnë jashtë vendit.

Te neni 4 -Përfituesit e bursës - është riformuluar komplet neni 4 sqarim nga ky nene është fshirë dhe larguar nga neni 4 përfshirja e përfitimit të bursës për studentët që studiojnë jashtë vendit.

Te neni 5 - Përfituesit e bursës me automatizëm - është riformuluar komplet neni 5 sqarim nga ky nene është fshirë dhe larguar nga neni përfshirja e përfitimit të bursës për studentët që studiojnë jashtë vendit.

Te neni 11 -Kriteret për përfitimin e bursës - është riformuluar komplet neni 11 sqarim nga ky nene është fshirë dhe larguar nga neni përfshirja e përfitimit të bursës për studentët që studiojnë jashtë vendit.

Te Rregullorja aktuale, konkretisht te nenet e lartëcekura që propozohen për ndryshim ka qenë e përcaktuar që studentët që studiojnë jashtë vendit gjatë aplikimit duhet të paraqesin dokumentacionin e nostrifikuar nga Ministria përgjegjëse. Në konkursin publik të shpallur pas hyrjes në fuqi të Rregullores është vërtetuar se praktikisht ka qenë i pamundur zbatimi i këtyre dispozitave pasi që asnjë student që studion jashtë vendit nuk ka mundur ta bëjë nostrifikimin e dokumentacionit te Ministria përgjegjëse.

Nga të arsyet e cekura më lartë, kërkojmë nga Kuvendi i Komunës miratimin e kësaj Propozim Rregulloreje.

INr. 670/01-18485

Lipjan, më 13.04.2023

KRYETARI I KOMUNËS

Imri Ahmeti

